

大方等大集菩薩念佛三昧分經

第八

九十九
伐八

47763



元祿九年丙子二月日重脩

皇圖聖圖 帝齋銀昌

佛日增輝 懋輪常轉

山城州天安寺法金剛院置

佛說大方等大集菩薩念佛三昧分經卷第八代

隋天竺三藏達磨笈多譯

思惟三昧品之餘

尔時不空見菩薩摩訶薩復白佛言世尊菩
薩摩訶薩當何證知捨離我見耶佛言不空
見若諸菩薩摩訶薩得證知時無有任著則
離我見如是菩薩雖無任著而能為彼一切
世間天人衆生作大利益云何利益所謂為
大法明然大法炬吹大法螺擊大法鼓奮大
法靴乘大法船設大法橋方當欲度一切衆
生出於生死四流暴河置於涅槃無為彼岸
即當觀察是身本性次當觀身不淨臭穢腐

爛癰膿屎尿盈溢是身無常不暫停住破壞
枯槁不可長久誑惑小兒危脆不堅猶水沫
聚戶蟲充滿筋骨相輔空負而行無實用處
或經百年及百千歲縱八万劫一切樂具守
護長養終歸墮壞此身長夜不離煩惱不出
顛倒恒爲諸惡鳥獸食噉又亦常與地獄餓
鬼畜生共行生死往來受諸苦惱或爲奴隸
種種苦事常繫於他不得自在而彼所生云
何當能見苦斷集證滅修道今我此身但是
空虛誑曜愚癡無一堅法以是我今當應持
此一切身分施諸衆生若有衆生寶重己身
我當爲彼放捨身命若有衆生須我精氣我

當給與彼之精氣若有衆生須我肉者我當
以肉供奉彼等何以故寧我先施令彼得食
無容不施使彼自食今我以此淨心布施所
獲善根願即滅除我見根本而彼菩薩如是
觀時不著我見滅我見已然後捨身令衆生
用爲惜命者棄捨命根須精氣者授以精氣
須肉食者便以肉施若有衆生須其力用即
時爲奴充彼驅策不空見以是因緣彼菩薩
摩訶薩除捨我見不住我見證知我見而能
於此不牢固中求牢固身不空見譬如都城
邑聚村落之中多有僮男或多僮女自舍出
已至河岸邊見水沫聚以彼水沫更相嬉戲

所謂破壞水沫分段磨滅令其消散無有遺
餘而彼沫聚不作是念誰於今日能分散我
是沫雖壞無惱恨心不空見如是菩薩摩訶
薩自觀己身無常破壞如彼沫聚不可長久
當知是人得此三昧疾成阿耨多羅三藐三
菩提念時世尊為重明此義以偈頌曰
若能遠離我見者
為利世間天人故
彼若猷身諸不淨
此身變壞不堅牢
暫住如幻無實體
長夜養育終無宜

一切無有住著處
當證難見大菩提
癰瘡所處膿血流
無常羸劣斯破法
猶彼聚沫空無真
鳥獸斯食最可惡

雖以衆具供贍之
既不能得牢固法
地獄畜生餓鬼苦
世間催切超百羅
我身今日自空虛
謂諸衆生食肉者
我思此時常發言
我爲其故今放捨
當今一切寶身者
我今軀命不敢愛
猶如彼沫常破壞
今我此身如沫團

是身會當歸敗滅
經無量劫惟有苦
飢渴衆惱恒熾然
初不覺知彼如實
不常之體須臾變
精氣僕役我甘爲
其有食肉及精血
任從噉食我此身
悉得觀我捨斯命
願速成彼三摩提
未曾起一瞋恨心
豈有生於嫌怨事

若能觀身如水沫

此人必定求菩提

非但得奉十方尊

彼當速獲勝三昧

大方等大集經菩薩念佛三昧分示現微笑品第十二

尔時世尊怡然微笑諸佛世尊法如是故即

微笑時世尊口放種種光明所謂青黃赤白

金色玻瓈其光遠照上至梵宮而復還下右

遶三周入世尊頂時尊者阿難見斯事已即

從座起整理衣服右膝著地合十指掌向佛

世尊以偈問曰

最勝世尊非無因

今現微笑當有以

世間調御應為說

而復微笑何因緣

金剛色體百福身

由證真如能利益

一切世間所歸依

今此微笑有何緣

世尊無上亦無比

何處當有能超勝

功德備具無可毀

今斯微笑有何緣

一切世間皆歸趣

調御丈夫今當宣

誰於今日獲大利

世尊無何微笑者

今日誰當受大位

今日誰得真福聚

今日誰為安隱王

能致世尊是微笑

一切世間所歸依

天人大師今應說

若聞佛尊斯妙音

天人歡喜眾聖讚

尊者阿難設斯問已於是世尊告阿難曰阿

難我當說是正念三昧法門義時此大眾中

有三萬人遠離塵垢得法眼淨復有八萬億

百千那由他諸天子遠塵離垢得法眼淨復
有三万比丘比丘尼衆得阿那含果復有三
万比丘比丘尼優婆塞優婆夷得無生忍法
復有三万衆生發阿耨多羅三藐三菩提心
此輩皆於星宿劫中成等正覺此即前發菩
提心者是也復有九万億那由他菩薩摩訶

薩安住菩提無有退轉此輩當來皆得成佛
彼諸世尊有四種号或号光明或号毗盧遮
那或号釋迦牟尼或名日月歲星有如是等
諸種名号隨其刹土出現於世復有九十二
億百千那由他衆生但發聲聞心是輩未來
皆證聲聞果尔時世尊知是事已以淨天眼

過於人眼觀察十方見九十億百千那由他
諸佛世界應作如是大利益故更出殊大微
妙之聲徧此三千大千世界咸得聞已然後
及彼諸佛國土所有衆生亦皆得聞然後復
從眉間白毫相中放大光明名無邊威此光
徧照十方佛國今無量億百千那由他衆生
得須陀洹果斯陀含果阿那含果阿羅漢果
復有過於前數衆生發阿耨多羅三藐三菩
提心彼等當來皆得不退轉於阿耨多羅三
藐三菩提然後於彼十方國土皆得成佛号
曰難伏如來應供等正覺出現於世尔時世
尊欲重宣此義以偈頌曰

過百千數無減少

三種三十復九十

如是一切見菩提

彼為發心利益故

彼滿十千諸衆生

復三万智得淨眼

聞已正思等正覺

解脫人身諸惡道

復過八億那由他

諸天獲於聖淨眼

以聞如來妙音故

永滅惡趣無遺餘

得忍三万億由他

發心即離三惡道

彼輩當來悉成佛

其猶盛春草木敷

復有三万億衆生

從座而起發大心

以此威德當成佛

於大地上利世間

復有六万諸天子

皆發無上菩提心

彼等斯同彌勒尊

以修樂因證樂處

以是因緣天人師

為斯廣大故微笑

我已宣揚微笑言

阿難當知此笑緣

大方等大集經菩薩念佛三昧分神通品第十三

尔時不空見菩薩摩訶薩白佛言世尊云何
當知菩薩摩訶薩住於慙愧遠離於彼無慙
愧已然後當得此三昧耶尔時佛告不空見
菩薩言不空見若有菩薩摩訶薩常行慙愧
而是菩薩行慙愧時或能造作種種惡事所
謂身惡行時即生慙愧口惡行時亦生慙愧
意惡行時亦生慙愧起嫉妬心亦生慙愧起
懈怠心亦生慙愧於諸如來所亦生慙愧於
大菩薩摩訶薩所亦生慙愧於任菩薩乘諸

衆生所亦生慙愧於聲聞乘人所亦生慙愧
於辟支佛乘人所亦生慙愧於人天所亦生
慙愧云何慙愧所謂常愧於他亦慙自身任
於一切不善法中故常慙愧任慙愧已遠離
一切無慙無愧除滅不善思惟善事荷負重
擔體性清淨終無毀犯他不能謗而是菩薩
常能具足無毀身業亦能具足無毀口業亦
能具足無毀意業具足斯已然後乃能任是
三昧住三昧已常不遠離見一切諸佛常不
遠離聽聞諸佛所說妙法常不遠離恭敬供
養一切聖僧具足如斯已然後乃能疾成阿
耨多羅三藐三菩提復次不空見我念往昔

過無量無邊阿僧祇劫時有大劫名曰善來
於彼善來劫中復有第三劫名曰寶炬不空
見彼於劫中復有小劫名九疰嚴於彼時中
名多劫濁復次有劫名曰千歲彼中有轉輪
王名善觀作而彼善觀作王宿植德本具大
威德不空見時善觀作王所居大城名曰淨
華妙香充滿其城東西廣六十由旬南北長
七十由旬牆壁周圍有一千二百重彼城身
量純以真金衆具莊嚴間用七寶不空見汝
今欲知淨華香城善觀作王果報衆具莊嚴
殊麗如先所說無邊精進王善住大城無差
異也不空見彼城北面有一內門名曰華鬘

門外有園名曰無畏其園縱廣四十由旬周
帀皆有七寶樹林而爲圍遶有一大池形量
方廣面十由旬八功德水彌滿其間如忉利
天鎔陀吉尼池也彼池四面周帀皆有寶多
羅樹其金多羅樹銀爲花果銀多羅樹瑠璃
華果如是乃至真珠多羅樹金爲華果如善
住城一等無異復次不空見當尔之時有佛
出世尊号耆耉耆羅娑隋言分味如來應供等正覺
行足善逝世間解無上士調御丈夫天人師
佛出世尊出現於世不空見時彼耆耉耆羅娑如
來處遊居止無畏園中與大比丘衆九十九
億百千那由他人俱前後圍遶皆阿羅漢諸

漏已盡無復煩惱皆得自在心善解脫慧善
解脫所作已辦捐捨重擔盡獲已利不受後
有隨順正教達於彼岸不空見時彼鴛耆羅
娑如來應供等正覺於晨朝時著衣持鉢與
九十九億百千那由他聲聞大眾左右圍遶
入淨華香城不空見時彼善觀作王知彼世
尊晨朝入城即自莊嚴乘大調象名曰樂手
與無量億百千那由他衆前後導從自彼淨
華香城而出爲奉迎彼佛世尊故不空見時
善觀作王既遙見彼鴛耆出世尊尋路而來光
儀端遠狀若金山諸根寂靜神志和穆已達
第一調柔彼岸猶如大龍降伏一切亦如大

象所爲自在又如大池澄清映徹如是見已
自乘而下進詣世尊頭面作禮右遶三周
而啓白言唯願世尊受我明朝所設供養
復次不空見時彼耆耋羅娑如來應供等正
覺聞善觀作王如是請已爲諸衆生作利益
故默然受請復次不空見時善觀作王聞彼
世尊許納其請即於斯夜速命廚官嚴辦衆
種上味美食人間所有靡不畢具於淨華城
平治道路以諸香塗涅飾其地所在街巷建
立寶幢妙善名幡麤麤羅布兼列種種金寶
器具又用上妙牛頭栴檀以爲香水灑散其
地復以種種末香種種散華上徹於佛而爲

供養然後於彼如來應供等正覺前燒種種
名香積種種華鬘而為供養又以種種歌頌
讚歎偈句法言而為供養又作種種上妙樂
音及諸玩具而為供養彼王如是作諸供養
然後奉獻上妙飲食供養世尊及比丘眾復
次不空見爾時彼善觀作王廣設如是微妙
第一最上眾具滿足供養耆耉者如來應供等
正覺已更於異時莊嚴大駕躬自率彼無量
千數諸眾生等詣無畏園至彼耆耉者如來應
供等正覺所頂禮尊足已而白佛言世尊今
正是時惟願垂慈作所應作也復次不空見
時彼耆耉者羅娑如來間善觀作王懇懃請已

知諸衆生堪受化故於是爲彼如所應作種
種神通現神通已遂與九十九億百千那由
他諸阿羅漢等身昇虛空住虛空已即放九
十九億百千那由他光闡照於東方無量世
界如是復放前數光明照彼南方及以西北
四維上下周徧十方亦皆如是彼一一方各
有九十九億百千那由他諸大光闡照彼一一
光皆各化作八十億百千那由他等大蓮華
座彼諸華座皆各有一化如來坐彼諸如來
形量長短乃至一切威儀多少一如鴛耆羅
娑如來應供等正覺無差別也不空見如彼
變化諸佛卅尊各有無量億那由他諸比丘

衆前後圍遶任虛空中又亦各有化天帝釋
及化梵王形量大小皆如今此無超勝梵天
及大供養天帝釋等無有異也不空見時彼
鴛耆羅娑如來應供等正覺示現如是神通
事時於須臾間一切諸天所有音樂不鼓自
鳴一切衆具不作自現不空見時彼欲界諸
天旣覩鴛耆世尊示現如是大神變時即以
天栴檀末香沉水香多伽羅香多摩羅跋牛
頭栴檀黑沉水香等奉散佛上復以種種妙
華所謂雞娑羅華大雞娑華等奉散於彼鴛
耆羅娑如來應等正覺上復次不空見尒時
鴛耆世尊告彼善觀作王言大王諸行無常

大王諸行皆苦大王諸行無我大王諸行暫
住不得久停大王諸行不堅是破壞法大王
諸行熾然如猛火焰大王諸行深奧如大火
坑大王乃至應當念捨諸行當生深猷亦不
可樂當念遠離終思解脫不空見尔時善觀
作王一心合掌恭敬向彼鵞耆如來具領讚
曰如是如是大德修伽陀大德婆伽婆諸行
無常大德婆伽婆諸行是苦諸行無我大德
婆伽婆誠如聖教一切諸行皆應遠離亦須
棄捨終當免脫不空見尔時彼鵞耆羅婆如
來為彼善觀作王說如斯法令其歡喜令其
專念令其奉行令歡喜已令專念已令奉行

已然令發阿耨多羅三藐三菩提心復次不
空見尔時鴛耆羅娑如來見善觀作王聞法
歡喜發菩提心一切衆生咸得益已即與九
十九億百千那由他諸阿羅漢比丘大衆舉
身騰涌足步虛空出淨華城然後還下如常
威儀前後圍遶入無畏園不空見時彼善觀
作王旣得親覩鴛耆羅娑如來應供等正覺
廣現如是神通事時發菩提心更作誓曰當
令我等於未來世悉獲如是大神通慧復當
令我悉得如是統諸大衆復當令我於未來
世悉得如是天人衆前大師子吼一如今日
鴛耆如來應供等正覺無有異也不空見時

彼善觀作王見彼世尊。鴛耆羅娑如來應供等正覺及諸大眾乘空而返。王便嚴駕奉從。世尊達本住所。然後乃還。復次不空見後。於異時。彼鴛耆如來應供等正覺與諸大眾次第而行。至善觀作王宮殿中。已當鋪而坐。諸比丘僧亦次第坐。已。爾時。彼善觀作主及諸大臣與其眷屬。各自圍遶城內人民及其眷屬。亦各圍遶。又皆自持所有供食。各自手奉。鴛耆世尊及諸弟子。聲聞大眾。其食香美。眾味具足。隨意奉上。佛及眾僧一切噉食。皆得充滿。然後更以種種妙香。種種花鬘。種種衣服。種種珍寶。一切眾具。微妙音樂。供養恭敬。

已即於是日呼召太子加以天冠授以王位
棄四天下及諸眷屬深馱生死詣佛出家即
於鴛耆佛世尊所釋除鬚髮法服著身時有
八万四千億百千那由他人民善根既淳熟
故亦深馱世從王出家復次不空見時彼善
觀作王既出家已即於衆中整理衣服恭敬
合掌遂便請彼鴛耆如來應供等正覺言世
尊云何菩薩修習思惟念佛三昧耶菩薩摩
訶薩云何證此念佛三昧即得住於不退轉
地速疾成就阿耨多羅三藐三菩提現前成
就諸功德法不空見時彼善觀作王比丘如
是問已彼鴛耆如來即便告彼王比丘言善

觀作汝應當知有二種法菩薩摩訶薩具足
修習即使得此菩薩念佛三昧能速成就阿
耨多羅三藐三菩提何等爲二一者信諸如
來不生違逆二者信佛所說不敢謗毀作如
斯念是爲諸佛廣大境界不可思議善觀作
是爲菩薩摩訶薩得此三昧能速成就阿耨
多羅三藐三菩提善觀作復有二法菩薩摩
訶薩具足修習能速成就阿耨多羅三藐三
菩提何等爲二一者奢摩他二者毗婆舍那
善觀作是爲菩薩摩訶薩具足修習得此三
昧能速成就阿耨多羅三藐三菩提善觀作
復有二法菩薩摩訶薩具足修習得此三昧

能速成就阿耨多羅三藐三菩提何等爲二
一者遠離斷見二者滅除常見善觀作是爲菩
薩摩訶薩具足修習得此三昧能速成就阿
耨多羅三藐三菩提耶善觀作復有二法菩
薩摩訶薩具足修習得此三昧能速成就阿
耨多羅三藐三菩提何等爲二一者住於羞
慙二者修於耻愧善觀作是爲菩薩摩訶薩
具足修習得此三昧能速成就阿耨多羅三
藐三菩提復次不空見時彼如來如是說已
彼善觀作王比丘復白鴛耆羅娑如來言世
尊云何菩薩摩訶薩住慙愧已而能得斯念
佛三昧耶尔時鴛耆羅娑如來應等正覺即

告彼善觀作比丘言善觀作若諸菩薩摩訶
薩於諸所作常行慙愧謂起身惡行生慙愧
心起口惡行生慙愧心起意惡行生慙愧心
起嫉妬時生慙愧心起懈怠時生慙愧心於
諸佛所生慙愧心於諸菩薩摩訶薩所生慙
愧心於任諸菩薩乘衆生所生慙愧心於諸
聲聞乘所生慙愧心於諸辟支佛乘所生慙
愧心於諸天人所生慙愧心


佛說大方等大集菩薩念佛三昧經卷第八 伐

奮音糞 振也 法靴下音桃 柄搖者是 腐爛上音 危脆

下取歲反 驅策上丘俱反 錫阨上莫 香塗下

不堅也

玩具
上 貴
反 愚



猪飼順良壽附

